



JABATAN AKAUNTAN NEGARA MALAYSIA  
ACCOUNTANT GENERAL'S DEPARTMENT  
MALAYSIA  
Kompleks Kementerian Kewangan  
No. 1, Persiaran Perdana  
Presint 2  
62594 PUTRAJAYA  
MALAYSIA

  
ANM  
Tel: 603-8882 1000  
Faks (Fax): 603-8882 1042  
Laman Web(Web): www.anm.gov.my

Ruj. Kami : ANM/SPP/M/4/7 Jilid.6(21)  
Tarikh 08 Oktober 2015

Seperti Senarai Edaran

YBhg. Datuk/ Dato'/ Tuan / Puan,

**LAYANAN GST KE ATAS PEROLEHAN KERAJAAN BERKAITAN BAYARAN PUKAL**

Dengan segala hormatnya merujuk perkara di atas dan surat Kementerian Kewangan Malaysia Ruj.0.3865/356(SJ.4)(Jld.22)(SK.24)(23) bertarikh 30 Jun 2015.

2. Dimaklumkan bahawa pelepasan GST telah diberikan kepada Jabatan Kerajaan Persekutuan dan Negeri bagi kontrak-kontrak perolehan perkhidmatan bukan perunding yang tidak dikenakan cukai perkhidmatan sebelum 1 April 2015. Walau bagaimanapun, pelepasan GST tersebut tidak meliputi bayaran pukal seperti bekalan (*supply*) perkhidmatan telekomunikasi, pembentungan, perjalanan udara, Touch n Go, sewaan bangunan dan sewaan serta penyelenggaraan kenderaan kereta jabatan. Ini bermaksud Pejabat Perakaunan perlu membayar GST yang dikenakan oleh pembekal perkhidmatan tersebut.

3. Manakala bayaran pukal bagi bekalan air dan elektrik pula tidak dikenakan GST disebabkan bekalan air dan elektrik adalah dikategorikan sebagai bekalan barang (*goods*) dan tertakluk dibawah Butiran 3, Perintah GST (Pelepasan) 2014.

4. Bersama-sama ini disertakan surat berkenaan untuk rujukan pihak YBhg. Datuk/ Dato'/ Tuan/ Puan.

Sekian.

**"BERKHIDMAT UNTUK NEGARA"**  
**"Inovasi & Integriti Merealisasi Perakaunan Akruan"**

Saya yang menurut perintah,

(TARMIKI BINTI TAMBY CHIK)  
Ketua Penolong Pengarah Kanan  
b.p. Pengarah  
Bahagian Khidmat Perunding,  
Jabatan Akauntan Negara Malaysia

Perc. maklumatkan kepada  
PTJ secara rasmi melalui  
portal PPAN.

BN 08/10



KEMENTERIAN KEWANGAN MALAYSIA  
KOMPLEKS KEMENTERIAN KEWANGAN  
NO. 5, PERSIARAN PERDANA, PRESINT 2  
PUSAT PENTADBIRAN KERAJAAN PERSEKUTUAN  
62592 PUTRAJAYA

Tel. : 03-8000 8000  
Faks : 03-8882 3893  
03-8882 3894  
Web : [www.treasury.gov.my](http://www.treasury.gov.my)

0.3865/356(SJ.4)(Jld.22)(SK.24)(a3)

30 Jun 2015



Ketua Pengarah Kastam  
Jabatan Kastam Diraja Malaysia  
Bahagian GST  
Aras 3 & 4, Blok A, Menara Tulus  
No.22, Persiaran Perdana  
Presint 3  
61200 PUTRAJAYA  
(u.p: Pn. Amarjit Kaur a/p Maktiar Singh)

Puan,

### Layanan GST Ke Atas Perolehan Kerajaan Berkaitan Bayaran Pukal

Dengan hormatnya saya merujuk kepada perkara di atas.

2. Sepertimana puan sedia maklum, YB Menteri Kewangan telah memberi pelepasan kepada Jabatan Kerajaan Persekutuan dan Negeri dari membayar GST ke atas kontrak perolehan perkhidmatan bukan perunding yang tidak dikenakan cukai perkhidmatan sebelum 1 April 2015 yang sedang berkuatkuasa di mana SST telah ditandatangani sebelum 1 April 2015 dan tempoh kontrak melangkaui tarikh tersebut. Pelepasan diberi sehingga 31 Mac 2017 atau tarikh tamat kontrak, mana yang terdahulu. Surat Kementerian ini bertarikh 12 Mei 2015 adalah dirujuk.

3. Adalah dimaklumkan bahawa pelepasan yang diberikan tersebut tidak meliputi bayaran pukal seperti bekalan (*supply*) perkhidmatan telekomunikasi, pembentungan, perjalanan udara, Touch n Go, sewaan bangunan dan sewaan serta penyelenggaraan kenderaan kereta jabatan. Ini bermaksud Pejabat Perakaunan perlu membayar GST yang dikenakan oleh pembekal perkhidmatan tersebut.

4. Namun begitu, bekalan air dan elektrik yang juga merupakan salah satu jenis bayaran pukal adalah tidak dikenakan GST. Ini disebabkan kerana Jabatan Kerajaan Persekutuan dan Negeri telah diberi pelepasan dari membayar GST ke atas bekalan barang (*goods*) berdasarkan Butiran 3, Perintah GST (Pelepasan) 2014. Bagi maksud GST, bekalan air dan elektrik termasuk bekalan penyejukan (*refrigeration*), penyaman udara (*air-conditioning*) atau pengudaraan (*ventilation*) adalah merupakan bekalan barang (*goods*). Perenggan 4, Jadual Pertama, Akta Cukai Barang dan Perkhidmatan 2014 adalah berkaitan.

5. Pihak puan adalah dipohon untuk memaklumkan perkara ini kepada umum terutamanya kepada Jabatan Kerajaan yang berkaitan. Perhatian puan mengenai perkara di atas amat dihargai dan didahului dengan ucapan terima kasih.

Sekian.

**“BERKHIDMAT UNTUK NEGARA”**

Saya yang menurut perintah,

*66*  
(Khodijah binti Abdullah)  
Setiausaha Bahagian Cukai,  
b.p Ketua Setiausaha Perbendaharaan.